

佛说腹中女听经

北凉天竺三藏法师昙无讖译



南無本師釋迦牟尼佛

说明

本简体校正版《佛说腹中女听经》电子书，根据《乾隆大藏经》大乘五大部外重译经，第 0232 部，北凉天竺三藏法师昙无讖译《佛说腹中女听经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年二月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说腹中女听经

北凉天竺三藏法师昙无讖译¹

佛在罗阅祇，与诸菩萨、比丘僧、比丘尼、优婆塞、优婆夷及诸天人民无央数共会，听佛说经。

时，会中有迦罗妇怀妊在座，腹中子叉手听经，佛欲使众会见之，便现大光明，照迦罗妇。座中众人，皆见腹中女叉手听经，如照镜无有异。

佛持八种声，问腹中女言：“汝叉手听经，以何故耳²？”

女用佛威神，即答佛言：“以世间人皆行十恶，欲令行十善，是故叉手听经；又以世间人贪淫、瞋恚、愚痴、生死不绝，是故叉手听经；复用世间人不孝顺父母，不供养沙门婆罗门道人，是故叉手听经。”

时，女说是语竟便生，譬如太子从右胁生，地为六反震动，虚空中有无央数天，自然有音乐声，雨天众华，有自然千叶莲华，大如车轮，以

¹ 大正藏：北凉天竺三藏昙无讖译

² 大正藏：尔

宝作茎，状如青琉璃，女即坐莲华上。

忉利天王释持天衣从虚空中来下，与女言：“裸形可取此衣著之。”

女报言：“我不著此衣，汝欲庄校³我耶？汝为罗汉，我为菩萨，汝非我辈，不与我同类，我自当有衣来。”

佛语拘翼：“此不为庄校菩萨身⁴。发心为菩萨，自致得三十二相、八十种好，尔乃为庄校菩萨耳！”

舍利弗白佛言：“此女为从何国来？当送衣也。”

佛言：“此女从东南方佛刹来，其国名清净，去此十万佛刹，女从本刹来欲见佛，自当有持衣来者。”

本国衣便自然在虚空中来，肃肃有声，女见衣来便著衣⁵，当得五通，又女本国人尽得五通。女得衣著讫，便从莲华上下行至佛前，女一举足，地为六反震动，便头面著地，为佛作礼，三言：“南无佛！”

绕佛已讫，便长跪白佛：“今座中大有诸迦

³ 大正藏：装校；永乐北藏及龙藏：庄校；（后同）

⁴ 大正藏：菩萨；永乐北藏及龙藏：菩萨身

⁵ 大正藏：之

罗妇，愿佛为说经，令得男子身。”

佛言：“我亦不使汝作男子，亦不使汝作女人，皆自从身行得。”

佛言：“有一事可疾得男子，何等为一？发心为菩萨道，是为一事。又女人身当内自观，譬如机关，骨节相柱，但筋皮上。女人常畏人，譬如鷄泉、蛇虻、虾蟊，不敢昼日出，常畏人；譬如婢使，常与恶露臭处俱；虽是国王女，犹复畏人，女人众恶亦复如是。”

时，座中迦罗妇七十五人，闻佛说经，欢喜踊跃，前以头面著地，为佛作礼，白佛言：“我愿发菩萨心作男子，我不得男子身终不起。”

时，七十五迦罗越从舍卫国来至佛所，见诸妇皆在佛前，便心念言：“失我曹妇已。”便问舍利弗：“此女人悉是我曹妇，何为是间？”

舍利弗答言：“欲作比丘尼，卿当听不？”

迦罗越答言：“若欲作比丘尼者，先使我曹作比丘僧。”

舍利弗白佛言：“是七十五迦罗越，皆欲作比丘。”

佛呼：“善男子，来！皆作比丘。”

头发自然堕，袈裟便著身，手持应器，皆前

为佛作礼。

时，七十五妇各脱珠环，皆以散佛上，便自然虚空中，化作七十五交露珠璎帐，帐中有七宝床，床上有坐，佛边有无央数菩萨听经。

七十五妇人见是变化，皆大欢喜，即用佛威神，飞住虚空，虚空中自然有华，而⁶散佛上，从虚空中来下，便得男子身，前白佛言：“我愿作比丘。”

佛语弥勒菩萨：“将去授戒。”

弥勒菩萨即授戒，作比丘僧。

女自然有化华盖七重，其茎如莲华茎，即持与母言：“佛是天上、天下度人之师，母以华盖上佛，是天上、天下之师盖上之后，母亦当为天下之盖。”

女语母言：“今当发菩萨心。”

母答女言：“我始怀汝时，于梦中常见佛及法、比丘僧，无复贪淫、瞋恚、愚痴心，身体安隐，知我腹中子，为是菩萨摩訶萨，以是令我安隐。”

尔时，发菩萨心以⁷，母得华盖便持上佛，

⁶ 大正藏：雨

⁷ 大正藏：已

地为六反震动。

佛语舍利弗：“四天下星宿尚可知数，是女前后所度父母，不可知数。”

女言：“一切人谓我是女，当作至诚行。”便化作如八岁沙弥身。

当佛说经及女变化时，无央数人皆发无上正真道意。佛说经竟，皆大欢喜。

佛说腹中女听经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼囉. 娑麼囉. 弭麼曩. 萨嚩诃. 摩诃斫迦囉嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法
三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普

贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 庄严佛净土
上报四重恩 下济三途苦
若有见闻者 悉发菩提心
尽此一报身 同生极乐国

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。



此咒置经书中可灭误跨之罪

南无护法韦驮尊天菩萨

